

Durchlauchtiger hochgeborner furst. E. f. g. seyn | unser unterthenige und gantz willige dinst | in allem vleis und gehorsam zcu voran bereidt. | Gnediger herr. Uff e. f. g. bevhel und volgend milte, genedigiste hulff, haben wir das Paulercollegium alhie gott zcu ehren, e. f. g. und yhren landen zcu ruhms und besserung mit sunderem vleis und anhalten erbauen, bessern und das als nue hinfurt zcu eym collegio anrichten lassen und 5 nach zeur tzeit dises tages im wergk hafften seyn. Dweyl dan zcu sulcher anderung und ebenmachung (sunderlich dweyl in vilen iaren daher die gebeu manchfeldigk wandelbar wurden) hat e. f. g. milte zculage und dorüber auffnehmung ettlichs geldes uff zcinse von uns geschehn nicht genugksam reichen mögen, und erfordert die hohe nott sulchen bau itzund zcum teyl zcu schlissen und die arbeit leuthe zcu vorrichten eyn drei- 10 hundert gulden abirmals darauff zcu nemen. Szo dan die bewonung desselbigen collegii got lob mergklich begert wirt, die gemeynen fische sich auch ansehnlich mehren zu hoffnung wue got der herr frid und selligkeit vorleihen, das diß collegium in eyn groß ansehen und die universitet in allen landen zcu außbreitung götlichs worts in sunderlich auffnemen kumen wirt, hirumb ie diese und künfftige fordere erbauung gar nicht zcu 15 unterlassen, sunderlich auch mit angesehen, das die anrichtung der habitation doselbst sulche und dergleichen schulde in künfftigk woll ergetzen wirt mogen, derwegen an e. f. g. unser unterthenige bitt, e. f. g. yhren gunst und genedigen willen in sulche der dreihundert gulden auffnehmung und volgender vortzinsung gestatten wolle, dan ane das schade, abgangk, mißstandt und nachrede darauß erwachsen wurde, die wir zcu vor- 20 kumen und sulch löblich cleinoth, domit e. f. g. dise universitet auß göttlichem eyngeben begnadet, woll und statlich zcu gebrauchen uns schuldigk erkennen. Seyn bey e. f. g. diß derhalben zcu erlangen in unterthenigem vorhoffen und mit allem dinstbaren vleiß uffs unterthenigste zcu vorschulden bereit.

Datum Leiptzk anno 20. XLIII donnerstags nach omnium sanctorum. 25

E. f. g. unterthenige und gehorsame rector, magistri und doctores der universitet zcu Leiptzk.

Dem durchlauchtigen hochgebornen fursten und herren, herren Moritzen hertzogen zcu Sachssen, lantgraven in Doringen und marggraven zcu Meissen, unserm genedigen herren. 30

447.

Vertrag zwischen der Universität und den fünf Dorfschaften über die Ablösung der Fronden.

Leipzig, 1544 Dec. 22.

Hilschr.: Copiale magnum T. I, fol. 153.

Wir rector, magistri unnd doctores der loblichen universitet zu Leiptzig vor uns 35 und unsere nachkommen thuen kundt unnd bekennen, das wir uns mit den pferdenern, handtthronen unnd gemein dorffschafften zu Holtzhausen, Zuckelhausen, Zwenforth, Wolffsheim unnd Klein Peeßen der ftron und dinst halber gutlichen vereinigt und ver-